

DISSERTATIO MEDICA
INAUGURALIS,

DE

APOPLEXIA.

QUAM,

FAVENTE SUMMO NUMINE,

Ex Auctoritate MAGNIFICI RECTORIS,

EWALDI HOLLEBEEK,

THEOLOGICÆ DOCTORIS ET PROFESSORIS IN
ACAD. LUGD. BAT. ORDINARIJ,

NEC NON

Amplissimi SENATUS ACADEMICI *Consensu*,

& Nobilissimæ FACULTATIS MEDICÆ *Decreto*,

PRO GRADU DOCTORATUS,

Summisque in MEDICINA Honoribus & Privilegiis,
rite ac legitime consequendis,

Eruditorum Examini submittit

EMMANUEL ARGYROPULUS,

THESSALONICENSIS.

Ad diem 13. Aprilii MDCCLXIV. H. L. Q. S.

LUGDUNI BATAVORUM,

Apud PETRUM VANDER EYK, 1764.

REPORT

OF THE

AND

OF THE

OF THE

OF THE

OF THE

OF THE

OF THE

V I R I S
N O B I L I S S I M I S


A C
P L U R I M U M R E V E R E N D I S

D. ARGYROPULO ARGYROPULO,
LEGATORUM VARIARUM RERUM-
PUBLICARUM INTERPRETI.
P A R E N T I O P T I M O.
SUMMA PIETATE AD ROGUM USQUE COLENDO.
E T

D. GEORGIO TYANITAE,
MERCATORI VIGILANTISSIMO
AMICO INTEGERRIMO PARENTIS
INSTAR REVERENDO

S. P. D.

EMMANUEL ARGYROPULUS.



Non longe mihi petendae sunt rationes,
cur vobis potissimum, Viri Nobilissimi
ac plurimum Reverendi, hasce ~~re~~ eorum
in Medicina studiorum primitias dedicatum eam;

ut enim agricolae votis damnati Cereri frumenta, & Baccho sua dona offerre solebant, sic itidem ego, non degener Musarum cultor, Vobis munera vestra, cum sollemni gratiarum actione hanc meam Inauguralem Dissertationem sistere gaudeo. Mereatur hoc, Parens optime, tua pietas & tenerrimi amoris affectus, quo me amplecti solitus semper fuisti, ut ne per integrum vitae spatium tanto amoris respondere queam. Tibi vero, TYANITE optime, quas dignas umquam gratias referam, qui parentis instar me filii loco habuisti, atque ad bonam mentem, & lautioris fortunae spem fingere & erigere, ac quibuscunque officiis demereri dignatus fuisti. Ferreus mehercules! fuerim, si tantorum beneficiorum memoriam umquam deposuerim.

Accipite igitur, Nobilissimi ac plurimum Reverendi Viri, hanc meam Dissertationem laeto & benigno vultu, dum majora praestare & officiis vestris paria facere nondum possum. Sic tandem ex vestra in EMMANUELEM cura, solidam voluptatem capiatis. Sic vos fervet Salus! Valete.




DISSERTATIO MEDICA
INAUGURALIS.

DE

APOPLEXIA.



§. I.



Si quis stupendam corporis humani, ab Omnipotente Creatore artificiosissime conformati, fabricam attento oculo perspexerit, & vel modicam hujus amplissimae, in qua versamur, scientiae ideam habuerit, non mirabitur innumeris illud stupendisque morbis obnoxium reddi: nec de hac veritate dubitare unquam poterit, si diversam variarum corporis nostri partium compositionem, constru-

structionem, nexum, & animationem bene attendat, discrepantiamque principiorum, quibus haec Machina per se iners in motum deducitur; diversam item ~~ve-~~rum externarum, non naturalium, potentiam, quarum usu nascitur, viget, crescit, minuitur, interit, tandemque definit; quae tamen omnia Medicus Dogmaticus Naturae minister, si officio suo in curandis aegris probe defungi veit, certa ratione cognoscere & in numero habere debet.

§. I I.

In corpore enim humano praeter principium, quod communi sensu *Animam* vel *Mentem* appellamus, observamus & aliud, quod *vis vitalis* nomine venit, & *ἐννομήν* ab Hippocrate dicitur: quae quamquam per mutuum mentis cum corpore commercium indissolubili velut nexu inter se juncta sunt, ut alterum sine altero existere non possit, tamen multum inter se differunt, sive illorum naturam, sive partes, quas in hac inerte machina regunt, seu diversos modos, quibus operantur, spectare velis. Alterum enim per totum corpus diffusum esse observamus; Alterum in Sensorio communi tantum suam sedem habere. In hoc facultatem conscientiae, intelligentiae, memoriae & judicii, omnesque motus animales & qui a voluntatis arbitrio pendent: in illo facultatem perceptionis, sensationis, irritationisque qua, in alterum transit: ~~qua~~ omnes fere vires naturae conservatrices, medicatrices, destructrices, item omnes motus automaticos, qui mente non imperante aut etiam ignorante peraguntur, ori-

originem suam proxime fortiri deprehendimus. Horum tamen duorum principiorum functiones tam cito peraguntur, ut ἀδύνατον fere videatur distinguere, num ab hoc vel illo solo, an vero ab utrisque simul pendeant, unde materia cavillandi litigandique inter sagacissimos Viros exorta fuit.

§. III.

Cum igitur omnes motus, qui in corpore Humano vitâ superstita peraguntur, omnesque functiones duorum principiorum a mutuo commercio mentis cum corpore pendeant, quod per sensorium commune fieri intelligitur; cumque ex ante dictis pateat, nullam corporis nostri dari partem a morbo immunem, cujus vi non singulae tantum partes; sed & totum corpus vexatur, perturbatur & destruitur: & hoc ipsum Sensorium sensoriorum, a quo humanitas pendet, suis quoque non careat morbis, quibus afficitur destruiturque, magno detrimento hominis, quos omnes pertractare tironi longum & difficile fuerit. Hinc speciminis loco, ut profectuum meorum in Arte Salubri constet ratio, de Apoplexia scribere aggredior.

§. IV.

Morbum in corpore nostro dicimus adesse, quando cujuscunque partis functionem laesam observamus, quae functio laesa velut effectus morbi est. Suas igitur habet causas, quibus positus ponitur; ablati

tollitur, deficientibus imminuitur, suaque symptomata, quae effecta morbi sunt, ut signa pathognomonica, quibus cognoscitur, aut diagnostica, quibus ab aliis distinguitur, quae omnia cujuscunque morbi tanquam attributa sunt, quorum cognitione Medicus carere nequit. Ut enim morbus rite definiatur, signa ejus Diagnostica feligenda sunt, quibus semper stipatur, & ab aliis distinguitur.

Morbus igitur, quem *Apoplexiam* vocamus, suum nomen habet a Græca voce ἀποπλῆσσω vel ἀπὸ πλῆττω, quae *percutere* sive *percellere* significat, est laesio sensorii communis, inferens subitam abolitionem sensuum externorum & internorum, motuumque voluntariorum, quae hominem tamquam profundissimo & inextricabili somno prostituit, superstitibus tamen actionibus vitalibus, pulsu pleno, satis forti & saepe celeri cum operosa, profunda, difficillima & stertente respiratione, salivaeque despumescencia circa os, quibus symptomatibus differt a *Catarho suffocativo*, *Caro*, *Lipothymia*; quae tamen, aliquamdiu durante morbo, plenarie cessant, sequiturque mors. Ut vero ordine certo procedam, divisionem ab Eruditis Auctoribus factam prosequar.

§. V.

Ob subitos velocesque hujus morbi insultus inter acutos refertur, dividiturque in *Apoplexiam Sanguineam* & *Serosam*, sub qua divisione & aliae hujus species intelligi possunt, quales sunt, *Atrabilaria*, *Polyposa*, *Pituitosa* &c. quarum omnium causa proxima eadem, & effectibus tantum differunt.

San-

Sanguineam igitur *Apoplexiam* dicimus adesse, quando vasa encephali a coacervato & obstructo sanguine distenduntur, dilatantur, diameter illorum admodum augetur, ita ut medullam cerebri illis substratam comprimant & laedant, vel vi sanguinis a tergo premensis, aut a quacunque causa externa vel interna rupturam patiuntur; unde contenti cruoris extravasatio oritur, qui mole sua & gravitate, totum sensorium commune, omnesque nervos, qui ab hoc oriuntur, valide premens, distributionem spirituum animalium per illos impedit; atque ita sequitur abolitio sensuum externorum & internorum, & motuum voluntariorum; quare & a nonnullis Jctus sanguineus, aut Hæmorrhagia cerebri audit.

§. V I.

Species secunda hujus mali *Apoplexia Serosa* dicitur, quando colluvies serosa, lymphæ pituitosa acris, in ventriculis, sinibus vel anfractibus cerebri collecta, aut vesiculas pituitosas, species hydatidum, format, vel qualicunque modo, cerebrum comprimit; seu acrimonia sua vasa corrodit, easdem fere functiones lædit ac sanguinea; pro diversa igitur potentia causarum morbificarum cerebrum comprimantium diversi etiam dantur hujus morbi gradus. Triplici enim modo comprimitur cerebrum; nam 1°. vel a majori causa illud totum premitur, omnesque functiones illius delentur, ut in *vera exquisitaque Apoplexia*; aut 2°. minori, ita ut sensus motusque aliquod vestigium remaneat, ut in *Parapoplexia*, de qua nullam mentionem Græci

Auctores fecerunt; vel 3°. materies morbosa solummodo partem aliquam sensorii communis comprimit, diversasque alias species hujus morbi producit, ut *Hemiplegias*, *Lethargos*, *Paralyses particulares* &c. quarum omnium certa signa dantur pathognomonica, diagnostica, quibus cognoscuntur & a se invicem distinguuntur.

§. V I I.

Positis his fundamentis ad symptomata accedamus, quorum perfecta cognitione Medicus carere neutiquam potest; veram enim naturam morbi & indolem illa docent. Dantur Symptomata utriusque speciei tam communia, quam specialia: Communia sunt, dolores capitis cum aliquo sensu temulentiae pro magnitudine morbi variantes; vertigo recurrens sive caduca; respiratio laesa; stupor omnium organorum sensationis ac motuum voluntariorum; tandem horum plenaria abolitio.

§. V I I I.

Specialia Symptomata & primo *Sanguineae Apoplexiae* sunt dolores acuti, punctorii, a Nucha incipientes, versusque interiora occipitis se extendentes; crebrior susurrus ac tinnitus aurium; visus perturbatio, ita ut oculi tamquam scintillas aut flammulas videant, vel nebulis obortis obscurentur; venarum jugularium turgescencia, a qua rubor & calor totius faciei saepe recurrens; sub ipsaque invasione morbi
vasa

vasa temporalia admodum impleta turgescunt; oculi aperti, rigidi; pupilla illorum admodum dilatatur; rubedo genarum mox per totam faciem diffusa; pulsus plenus, celer ac fortis; tandem ronchus cum difficili respiratione, vitaliumque actionum abolitio.

§. I X.

Serosae Apoplexiae symptomata prioris symptomatibus fere contraria esse observamus: ponit enim crebriorem vertiginem, inprimis post digestionem peractam, cum sensu pressionis circa frontem; frequentem dormiturationem; titubationem linguae insolitam; memoriae vacillationem; sub invasione morbi, collapsum vasorum sanguineorum; pallorem; caloris defectum; Actionum vitalium debilitatem & languorem; pulsum debilem & inaequalem; respirationem tamen non tam graviter laesam ac in sanguinea; saepe & accidentalia hic observamus, ut Paralyfin in toto vel aliqua corporis parte, post exercitationem motus convulsivos, ut vomitus, diarrhoeasque spontaneas.

§. X.

Ingens potentiarum numerus, quas observatio docuit, hujusmodi turbas creare, referuntur in causas *proximam & remotas* secundum Pathologos. *Causa proxima* hujus morbi est impeditus motus reciprocus fluidi nervei in nervos, qui intercipit illius influxum in sensuum organa, musculosque voluntati nostrae obediētes.

§. XI.

§. X I.

Causas remotas, quarum concursu proxima ponitur, constituunt abundantia humorum sanguineorum, serosorum (uti in hominibus plethoricis, obesis & pinguibus, aut leucophlegmaticis, cholericis observamus) mala conformatio corporis a nativitate, ut caput magnum, collum breve aut sex vertebri constructum; evacuationes sanguineae, serosae, vel quaecumque aliae excretiones auctae aut impeditae; mala hysterica, hypochondriaca, podagrica, epileptica; mentis immodicae exercitationes; nimia dispersio spirituum animalium a continua applicatione ad studia; colluvies aquosa, mucosa, quae encephali stamina inundando flaccida atque inertia reddit; quae humorum circuitu intensiori sursum sanguinem movent, eumque in vasis encephali accumulunt. Hinc distentione, pulsatione, attritu, aestu vel errore loci, vasa obstruit, dilatât & disrumpit, atque ita extravasatus medullam cerebri praeter modum comprimit; quo etiam pertinet atrabilia humorum crasis, quae omnes causae ad insultus Apoplectios praedisponunt, unde *praedisponentes* dicuntur, nataeque majorem vel minorem occasionem diversos hujus morbi gradus constituunt.

§. X I I.

Occasionales causae ab externa vel interna vi pendentes, magnam partem morbi continent, unde &
Con-

Continentes vocantur; sine his enim nullus morbus, & si ab occasione caves, caves a morbo, qua posita proxima causa ponitur, effectumque momentaneum producit. Huc pertinent impedimenta multifaria, sive in ipso cranio, sive in inferioribus corporis partibus, aut vi quadam externa cranio illata, quae partibus encephali laesionem inferendo, situm & nexum illarum pervertunt; canales obstruunt, comprimunt, quassant, lacerant; motibus medullae staminum obstant; scirrhus, inflammatio, cordis artiarum polyposa concretio; contusio; fractura; vulnus; abscessus; ecchymosis; hydrocephalus & similia, quae caput infestant; aut ingentia animi pathemata; cardialgia, colica, spasmi hyfterici & hypochondriaci, qui in inferioribus corporis partibus praedominantes humorum motus versus superiora determinant, unde nata *Apoplexia Spasmodica* dicitur; commotio sanguinis in plethoricis ab assumtis spirituosis diluentibus; vel ab oestro venereo; quaecunque irrationes, stimulationes, sive proxima actione in sensorium commune agunt, seu per consensum eo propagantur; illiusque functiones perturbando, veram apoplexiam constituunt.

§. X I I I.

Cum igitur dudum ab Auctoribus observatum sit, Vim vitalem ab actionibus vitalibus pendere, quae si secundum Leges Naturales peraguntur, illam in hoc fragili corpore sustineri posse; si vero contra, innumerorum malorum originem inde sequi, ultro pate-

B

bit:

bit: Si enim Circulationis nostri sanguinis leges notas habuerimus, fere in omnium morborum causas penetrare possumus. Circulatio ergo sanguinis requirit motum cordis Arteriarum, harum aequabilem Systolen & Diastolen. Neque tamen haec sufficiunt; debet enim & certa quantitas hujus dari, & certae qualitates, quibus ab alio liquido distinguitur. Si enim hoc liquidum majore quantitate peccat quam Leges Naturæ patiuntur, ut in plethoricis & obesis, ob efficaciorum illorum naturam, vitamque lautam, solutam, sedentariam, vel ob excretionem sanguineas impeditas, quibus natura a majore hujus quantitate certo tempore se liberare consueverat, ut haemorrhoidibus, menstruis mulierum, haemorrhagiis narium, inde stupendorum morborum origo; nam si calore vel exercitio motus illius augefcit, humores acres, densi, velocius moventur; cor, vasa arteriosa, venosa, quorum tonus, elasticitas a debita hujus quantitate pendet, distenduntur, dilatantur, tonum suum amittunt, atque diversimode cerebrum totumque encephalum comprimunt, aut ob debitam suam constitutionem rupturam patiuntur; unde cruoris, lymphæ, feri extravasatio, secretionis spirituum animalium impeditio; omnium organorum sensationis obstupescitio; aut materies obstructa vel extravasata, a diuturna stagnatione acrimoniam contrahit, qua vasa, quibus continetur, corrodit, totumque encephalum destruit; unde subitaneæ mortes; apoplexiæ; paralyses; cari, vertigines; vel ubi in aliis corporis partibus hoc accidit, diversos morbos producit, uti in pulmonibus tabes, vomicas pulmonales &
in-

innumeros alios morbos , quorum rationem reddere scopus non est.

§. X I V.

Non minus funestos effectus abundantia pinguedinis producit. In hominibus enim obesis & pinguibus, ob efficacem viscerum Chylopoëticorum naturam, oleum pingue ab ingestis separatur, & cum Chylo per vasa lactea & chylifera, in organa circulationis deductum, in membranam cellulofam demittitur, pro diversis naturae usibus ad mobilitatem muscutorum & ligamentorum conciliandam; quod vita lauta atque sedentaria auctum, nullisque motibus exercitiisque dilutum; ut a venis absorbeatur, atque per excretiones e corpore eliminetur, cellulofam telam admodum expandit & distendit: cutis quamquam cedit, resistit tamen, musculosque comprimit, transitum sanguinis in minora vasa impedit, quae ligamentorum instar coalescunt; inde motus humorum versus interiora augeatur; encephali vasa dilatantur & distenduntur: hinc illi homines fiunt hebetes, torpidi, ad Apoplexiamque proni.

§. X V.

Nec minoris momenti morbos imminuta quantitas sanguinis producit; stupendorum enim morborum causam hanc esse, ex innumeris observationibus constat. Cum enim nutritio secretioque spirituum animalium a debita quantitate sanguinis pendeat, ex imminuta illius quantitate proxime sequitur exinanitio & collapsio

vaforum sanguineorum ; caloris & coloris defectus ; debilitas totius systematis motus animalis & vitalis ; naturae ineptitudo ad bonum chylum ex alimentis praeparandum ; inde defectus spirituum animalium ; motus humorum imminutio ; qualitas sanguinis vitatur, ejusque elementorum fit secessio ; quorum intima mixtio a debita pendet circulatione ; unde abundantia humorum pituitosorum, viscidorum, acrium, aquosorum, ad quos eliminandos naturae vires deficiunt, ut in senibus leucophlegmaticis, hydropicis, puellis chlorosi laborantibus observamus ; quae omnia serius ocius Apoplexiam pedisequam habent, diversasque hujus morbi species constituunt, uti in hominibus proVectae aetatis tenuissimi vaporis in cavitatibus corporis exhalatio (quemadmodum inspectio cadaverum nos docet) saepe ob vaforum absorbentium inertiam, in liquidum palpabile mutatur, quod in cavitate Cranii gradatim auctum encephalum comprimendo, veram Apoplexiam producit.

§. X V I.

In robustioribus hominibus, quamquam bona debitaque quantitas sanguinis datur, per valida tamen corporis motusque exercitia, vehiculum aquosum, quod sanguinem omni concretione prohibet, & in liquida forma retinet, per sudores, perspirationemque Sanctorianam, aliasque excretiones aquosas, serosas, excernitur & evaporatur ; quod vero remanet tenax, spissum, atrum, inflammabile, ad obstructionemque primum evadit ; unde omnium morborum acutorum
ori-

origo pendet. Si enim talis materia in encephali vasis obstruitur, ibi nata inflammatio funestos effectus, perpetua deliria, vertigines, paralyfes, Apoplexias, mortemque producit. Si vero in inferioribus corporis partibus hoc fiat; tumores varii inflammatorii, scirrhusi, producuntur; quae vasa comprimendo sanguinis transitum impediunt, eumque versus superiora determinant: funesti morbi, quos producant, ex antedictis patent. Ex his jam positis, facile innumerae aliae causae eruuntur; quibus enumerandis, ob temporis penuriam vacare jam nequeo.

§. X V I I.

Subiecta igitur, quae magis minus ad insultus Apoplecticos praedisposita sunt, referuntur homines proVectae aetatis annosiores, obesi, pingues, plethorici, vitam lautam & sedentariam agentes, cum mala conformatione corporis a nativitate; aut qui ob defectum virium naturae Cacochymia vexantur, vel ob impeditas excretiones alvinas, sanguineas, serosas, abundantia humorum inquilinorum in corpore laborant; seu quibus a continua applicatione ad studia quantitas spirituum animalium imminuta est, aut insignis defectus; vel qui morbo quodam chronico vel acuto laboraverunt, cujus materies morbosa in interioribus partibus haerens, & nondum per molimina naturae e corpore est expulsa, quae nata occasione ad cerebrum deducta, funestam Apoplexiam, producit.

§. XVIII.

Post enumerationem causarum Symptomatumque hujus morbi; quae subacto castoque ratiocinio detegere & distinguere debet Medicus, ne effectus cum causâ confundantur, non desunt etiam hujus morbi phaenomena prognostica, quae in subjectis praedispositis hujus mali ortum praecedunt, quae cognitu utilissima sunt Medico ad curam hujus morbi feliciter tentandam; quales sunt paralyfes in musculis faciei, genarum, linguae, labiorum, maxime dum cibum capiunt; dolor obtusus capitis; inflatio superiorum, vertigo; Scotomiâ; memoria vacillans cum molesto susurro & tinnitu aurium; respiratio difficilis, soporque perpetuus; stupor sensuum externorum & internorum, quae incommoda Medico, rite cognita, saepe occasionem suppeditant aptis remediis incursum hujus mali avertendi.

§. XIX.

Mitiores hujus morbi gradus saepe naturae vigilantis motus, quae cuicunque morbo suas vires conservatrices medicatricesque opponit, ut hostem, qui suas functiones perturbat, e corpore suo eliminat & expellat, aptisque medicamentis a Medico naturae ministro exhibitis, saepe curantur; quippe uti in omnibus morbis, non raro haec molimina naturae observamus, ita saepe in hoc etiam morbo sua sponte eo dirigitur Natura, ut sudore calido, aequali & diuturno,

no, alvique fluxu aut haemorrhoidum five menstruorum largo effluxu, multoque lotio sedimentum pituitosum demittente, violentaque febre superveniente, hoc malum resolvatur. Graviiores tamen hujus morbi gradus a talibus naturae moliminibus raro curantur, neque etiam semper dantur, cum superatis scilicet viribus Natura morbo victoriam cedit.

§. X X.

Graviiores hujus morbi gradus, quamvis aliquando horum causa morbifica superetur, tamen semper transeunt in Paralyfes, Hemiplegias, Paraplegias, quae raro curantur; sæpe enim memoriae, judicii, vel motus cujusdam laesiones relinquunt, *adeo nempe rare est victorea sine vulnere!* unde ab omnibus auctoribus tamquam gravissimus morbus judicatus est, atque sagax Hippocrates dixit, validam Apoplexiam esse insanabilem, levem curatu difficilem; & hoc verum esse Experientia & Observationibus multis certe constat, scilicet in hominibus annosioribus, obesis, pituitosis, quorum natura ob defectum virium impotens est ad talem materiem serosam, pituitosam, viscidam, acrem, e corpore expellendam, quæ gradatim in encephalo collecta, funestam Apoplexiam producit, nullo remedio cognito medicabilem.

§. X X I.

Graves etiam & momentosae sunt Apoplexiae a
meta-

metastasi cujuscunque materiei peccantis morborum chronicorum aut acutorum, ut in hypochondriacis ficis observamus: in quorum corpore materies morbofa facta levi obstructione, per longum temporis spatium occultatur & latet, sed saepe ex praegressa causa quadam vehementiori, motuque organorum circulationis aucto, talis materies tenax, spissa, atrabilia, stagnans in motum deducitur, & vi quadam ad partes encephali rapitur; tum ibidem tenacitate picea & spissitudine sua stagnationem & obstructionem parit, atque vi sanguinis a tergo prementis impulsu vasa ita distendit, dilatat; partes interiores encephali & medullam ipsam cerebri comprimit & coërcet; aut acredine sua per Diabrosin vasa, quibus continetur, corrodit, dissolvit, extravasatur, & sic Apoplexiam funestissimaeque symptomata parvo temporis spatio, atque ipsam denique mortem producit.

§. X X I I I.

Funestissimam hujusmodi indolis Apoplexiam in Podagricis experimur: in senibus enim frigidis podagricis ob imbecillitatem naturae, talis materies podagrica in consueto loco non detinetur, motaque causa occasionali, in quamcunque partem corporis deducitur, funestos statim morbos producit, quorum nulla curatio, nisi sola materiei peccantis e corpore expulsionem, quod fere fieri non potest: vel in consuetum locum deductione, quod non facile. Quippe in cerebrum deducta momentaneam parit Apoplexiam, cujus fere certa pedisequa mors. Futurum hujus
exi-

exitialis morbi finem annunciant subita integraque extinctio omnium sensuum externorum & internorum, ac motuum voluntariorum; respiratio valde operosa cum stertore per intervalla; expulsio salivae despu-mescentis circa os; sudor frigidiusculus, qui superiores occupat tantum partes; tandem vitalium actionum vel functionum abolitio.

§. X X I I I.

Exquisitae fortiorisque Apoplexiae cura nulla adhuc cognita, omniaque artis auxilia in cassum tentata haecenus fuere; infert enim citam extinctionem functionum utriusque systematis animalis & vitalis, ob materiei obstructae extravasationem, aut ob illius acrimoniam.

Cum vero peritissimi in arte Doctores abolitionem sensuum motuumque animalium, superstitibus tamen actionibus vitalibus in Apoplexia observaverunt, causamque hujus phaenomeni explicare voluerunt, inde materia cavillandi disputandique ortum duxit: in scriptis quippe plurimorum, qui veriori & severiori Anatomiae operam navant, legimus cerebellum a cerebro separatum inveniri, nervosque cardiacos cum diaphragmaticis ab hoc oriri; inde concluderunt, omnes motus vitales ab his pendere, atque in Apoplexia etiam peragi posse; licet cerebrum cum nervis, qui ad voluntarios motus destinati sunt, penitus omni actione carerent; dubitandum tamen est, an in solo cerebello sit causa horum motuum vitalium superstitum; dicendumque potius videtur, hujus phaenomeni causam
C igno-

ignorari, quam nova argumenta proponere, quae veritati praejudicium faciunt; & quamquam experimenta in dissectis vel ligatis his nervis instituta, actum esse de vita demonstrent, tamen neque observationes defunt, quae contrarium evincunt. Saepe enim accidit, ut foetus maturi novimestres nascantur, omnibus partibus encephali orbiati, qui tamen per aliquod spatium temporis, utut breve sit, vitam producere deprehensi fuerunt; quin etiam cor humanum ex corpore exemptum, omnibus nervis dissectis, motum suum continuat per sat longum spatium temporis; existimandum igitur potius est cordi ab Omnipotente Creatore talem facultatem datam esse, in cujus miraculi naturae explicatione humana mens titubat & semper titubabit.

§. X X I V.

Licet autem a Celeberrimis artis Professoribus, huius morbi causae ad Classes quasdam redigantur, tamen in eo omnes conveniunt, quod ab iis partes quaedam medullae cerebri comprimantur, influxusque & secretio spirituum animalium, qui ibi fecernuntur, ita impediuntur, quae cognita Pathologia facile eruuntur; unde paret, cur plethora boni sanguinis stupendorum malorum origo? Unde materies atrabilaria, pituitosa, acris, viscida? cur temperamenta unum plus altero ad hunc morbum producendum disponant? cur excretiones secretionisque auctae, imminutae, impeditae, scirrhi, inflammationes, polyposae concretiones cordis, arteriarum diversorum morborum huiusque Apo-

Apoplexiae causa? cur animi pathemata in praedispositis momentaneam Apoplexiam mortemque producant? atque ita de innumeralibus aliis causis, quarum unam alteramque si Medicus casto ratiocinio detegere valet, facile ad omnes penetrare & illas exacte intelligere poterit. Si enim inflammationem in quacunque corporis parte spectemus adesse, quae natura durior, compactior, robustior; atque noverimus a parva quantitate sanguinis obstructi illam in tantam molem augeri, rubere, calere, atque vi sanguinis, a tergo prementis, vasa disrumpi, dissolvi; sanguinemque obstructum stagnantem in materiam ichorosam pus mutare, facile concipi potest, a tali materia inflammatoria in vasis encephali obstructa, cujus substantia mollior, delicatior, multo pejora mala produci.

§. X X V.

Omnes ergo hae causae merito ad Apoplexiam referuntur, atque in quocunque subiecto excessum harum observamus, jure concludendum hoc insultibus Apoplecticis praedispositum esse, cum omnes causam proximam contineant. Ut igitur in cura hujus morbi feliciter procedat Medicus, e phaenomenis pathognomonicis symptomatibusque diversas, gradus, speciesque hujus morbi accurato ratiocinio detegere & cognoscere debet; neque enim remedia, in Sanguineâ Apoplexia exhibita profuerit in Serosâ praescribere, ut ex antedictis patet; neque specifica ulla dantur, quibus exhibitis morbus solvatur: a cognitis igitur diversorum remediorum effectibus, ad diversas hujus mor-

bi causas tollendas, & diverforum ejus graduum concludendum, quibus exhibitis, scopum positum obtineamus. Aliquando etiam accidit, ut in eodem morbi gradu, durante compressione cerebri, hemiplegiam experiamur, muscutorumque contractiones in uno latere faciei, ut os in hac passione oblique tractum conspiciatur: Oppositi enim lateris omnes partes a nervorum constipatione, immobiles & insensiles remanent, & ad hos terminos gradus lenioris Apoplexiae refertur. Curationis tamen judicatio eadem remanet, ac in vera & majori Apoplexia, in utraque eadem causa, minori potentia tamen agens. Pro minori vel majori igitur gradu remedia etiam mitiora vel fortiora exhiberi debent.

§. X X V I.

Ex hisce rite jactis fundamentis, cum morbum hunc praesentem in aegro cognovit adesse Medicus, diverforum medicamentorum eorumque virium & effectuum cognitione munitus esse debet, ut sciat quae exhibenda sint, [vel ante invasionem, vel in ipso initio morbi, quae in tempore exhibita prodesse possunt; nam ut eleganter dicit ingeniosissimus NASO:

*Temporibus medicina valet, data tempore profunt,
Et data non apto tempora vina nocent.*

Si enim malum invaluerit, tempusque curae praeterlapsum est, brevi letale fuerit, ut idem Poëta recte ait:

Prin-

*Principiis obsta, sero medicina paratur,
Cum mala per longas invaluere moras.*

Et quamquam aliquando accidit, ut aeger evadat, numquem tamen omnes functiones Sensorii Communis recuperantur; semper enim memoriae, iudicii, vel cujuscunque alterius functionis, aut motus voluntarii laesio remanet, cum causa hujus morbi proxima compressionem medullae cerebri inferat, adeoque hoc modo functiones animales & vitales laedantur. Omnibus igitur artis auxiliis tentandum est, ut haec causa tollatur, quâ ablatâ morbus tollatur, vel imminutâ imminuitur. Diversa igitur hujus morbi medela, a diversa curationis indicatione pendet, quâ idem morbus a se ipso differt.

§. X X V I I.

Indicatio igitur *Sanguineae Apoplexiae* ob sanguinem majori quantitate peccantem, requirit, largam hujus copiam Venae sectione in brachio vel pede minuendam, atque si reiteratâ eâ opus sit, in venis jugularibus illam instituere possumus, ut citius faciliusque vasa encephali se evacuent, compressionemque inde productam tollant. Peractâ Venae sectione ad purgantia antiphlogistica pergendum, ut sunt Folia Sennae, Manna, Rheum &c. quae si non cito operentur, ad fortiora aut ad Clysteres acriores confugiendum; tumque ex pulpa Colocynthis, Squilla, Helleboro, quibus ano injectis, alvus a fecibus compactis deliberatur, influxusque sanguinis versus inferiora augetur,

vesicatoriaque ex Cantharidibus femoribus aut inter scapulas applicanda, vel epispastica ex panis fermento, aceto & sinapi semine contuso, plantis pedum aut volis manuum admovenda procedendum, quae cito & sine temporis mora peracta si nullum auxilium adferant, nulla Curationis spes remanet: Sin vero sensus motusque animales excitentur, interna remedia nervina exhibenda sunt, ad elaterem, tonum, & elasticitatem vasorum restituendam. Tale remedium componi potest ex Tinctura & Frisata, liquoris C. C. succinati, Essentiae Pimpinellae albae, Ambrae griseae &c. pannisque, vaporis Succini, Olibani, Mastiches impraegnatis, partes corporis perfricandae. In quibus deglutitio laesa est (quod fere semper contingit) plumulâ spiritu Salis Ammoniaci imbutâ undique fauces titillentur, osque decocto aromatico stimulante saepe colluatur, sique indicatio curatoria non obstat, vomitorium ex radice Ipecacuanhae cum vino rubro exhiberi potest, ut saburra ventriculum gravans evacuetur.

§. X X V I I I.

Cum autem funestus hic morbus ortum ducit a tumore quodam in ipsa cavitate cranii nato, aut inferiore corporis parte, qui comprimendo evacuationem vasorum sanguineorum encephali in venis jugularibus impedit, ut ab inflammatione scirrho, tum omnia haec in cassum tendenda fuerint, nisi enim tumoris fiat resolutio, nulla sanationis spes supererit. Si vero Apoplexiam natam observamus esse ab inflammatoria spissitudine sanguinis, aut ab ejus poly-

lypofa concretione in corde vel arteriis, medicamentis diluentibus, refrigerantibus, attenuantibus utendum est, peractâ Venae sectione, pro constitutione circumstantiisque aegri; ut salibus alcalinis fixis, volatilibus, sale marino, Ammoniaco, gemmae, nitro, multisque aliis hujus generis medicamentis, quae in scriptis Auctorum materiei Medicae legi possunt; quorum usu illud spissum, tenax, inflammabile diluitur, attenuatur, in motum deducitur, compressioque ab hoc producta tollitur. Hoc si obtinere non possumus, pars obstructa inflammatur, suppuratur; quod si in cerebro fiat, certam mortem producit. Omnia ergo artis auxilia prudenter exhibenda sunt, vesicatoria tamen non ante Venae sectionem applicanda, quoniam lympham evacuando spissitudinem sanguinis augent.

§. X X I X.

In quibus aegris colluvies serosa, aut materies lenta frigida in suspicionem venit hunc morbum produxisse, pro constitutione aegri omni artis molimine tentandum, ut affluxus humorum in vasa encephali jam oppleta reprimatur, quod aliquando facile fit ad minus periculosa loca derivando, aut e corpore eliminando, pro qua indicatione curatoria omiffâ Venae sectione ob defectum boni sanguinis, quantitatis, in cachecticis corporibus fortiora repetitaque laxantia exhibenda erunt, ad tenaces, frigidos, lentos humores revellendos, evacuantiaque, ut pars saburrae pituitosae tollatur; cavendum tamen, ne medicamenta cardiaca, motum humorum excitantia, exhibeantur:
Al-

Alvus igitur clysteribus acrioribus sollicitanda est, quibus abundantia humorum corruptorum evacuatur; Vesicatoria etiam hic multum juvant, cum vesicam formando magnam copiam lymphae viscidae, pituitosae colligunt per plures dies, motus vitales excitant; etiam fonticuli, cucurbitae epispastica multum juvant.

§. X X X.

Cum igitur in Apoplexia, a lentore humorum aut ab obstructione sanguinis productâ, aptis medicamentis sine mora temporis exhibitis, restitutionis spes remanet; in ea vero, quae ab extravasatis humoribus, nulla fere spes superest, & vix medelam requirit, atque mortem cito futuram ominatur; non tamen hoc obstat, quo minus Medicus tentet, ut liquidum extravasatum, a venis lymphaticis asorbeatur, quod aliquando accidisse Auctores mentionem faciunt, praecipue in illis, quibus a lymphâ extravasata ortum duxit. Medicamenta quae hoc in casu usu venire possunt, referuntur fortissima purgantia hydragoga, calidiora ex Scammonio, Jalappa, Colocynthide, Gummi Gotta & similibus, quae lympham in cavis corporis congestam & extravasatam feliciter evacuant: Si vero diglutitio quoque impedita est, tale purgans hydragogum clysmatis instar, tripla vel quadrupla dosi ano injiciatur, quo injecto cito evacuatio alvina sequitur, bis terque repeti potest, capitique Cucuphae dictae applicandae sunt, quae aromatico stimulo suo motum languidum excitant, movent: Vesicatoria, fe-

setacea, fonticuli hic magnae utilitatis sunt, uti ex antedictis patet.

§. X X X I.

Quae vero ab extravasato sanguine orta est, quod saepe accidit a contusione, vulnere, aut ab acrimonia a corruptis humoribus nata, quae vasa corrodendo cruoris extravasationem in interiora encephali producit, absolute desperandum, cum sanguis extravasatus in grumos concrescit, difficulterque diluitur, ut tenuior redditus a venis absorbeatur; neque operatio Trepanationis hic nihilum juvat, cum materies extravasata in interioribus encephali datur, quae tamen tentari potest sine ulla molestia aegri, cum omnibus sensibus caret: ex cruore igitur extravasato immoto & stagnante nata acrimonia, tenerrima cerebri medulla destruitur, in materiem ichorosam mutatur, quorum omnium malorum mors certum finem facit. Hiscé L. B. si placuere, fruire & vale.

F I N I S.



D

T H

ΤΗ ΦΙΛΑΤΗ ΚΕΦΑΛΗ,
ΣΟΦΩΤΑΤΩ ΝΕΑΝΙΑ,
ΕΜΜΑΝΟΥΗΛ ΑΡΓΥΡΟΠΥΛΩ,

Ὅτε τῇ Ἱατρικῇ Διδάσκαλῳ προσηγορέυθη.

α.

Φάμα, εὐάγγελε Φάμα,
Ἄτις, ὑψηλᾶν ἀρετᾶν
Γλυκεῖα κάρυξ, εὐάνορσιν
Ἦρωσι πλέκεις ᾄνον ὕμνων·
Βάσκ', ἴθι μεγάλην Βύζανθ' πόλιν,
Σαλπίζευσα πᾶσιν Ἑλλάνεσσιν
Ἀργυροπύλῳ ζαλωτὸν κλέθ;
Ὅς σωφροσύνα καὶ τρόποισι μειλίχοις
Ἄρεσε Σοφοῖς Βαταύων,
Συνεχεῖτε σπαρδᾶ τὸν ἀρίδαλον
Στεφανὸν Ἱατρικᾶς
Τέχνας δίκαια κόμισεν.

β.

β.

Τοίγαρ κέν Δωρίδι μολπᾶ
Μῶσα νῦν χόρδας με κρέκειν
Λύρας κελεύει λιγυφθόγγα:
Ἄγλαϊατ' ἀθίκλων Πίνδα
Δρέψασα πολυδένδρεσ' ἐκ δειράδων
Δάφνας ἔρνευ' ἠϋηράτοιο.
Ἀμφιβαλῶσα καρῆνῳ σέφευ'
Τῷ φιλτάτῃ καὶ τιμίσ' Μαχάονι;
Ἀρεταῖσιν ὅς προλάμπων
Κλυταῖς τε Φιλυρίδαο τέχναις
Ἔσεται φίλοις ἀσοῖς
Δεινῶν Ἀλκίῃς παθέων.

γ.

Παιᾶν, Κόιρανε Τέχνας,
Ιέραν Μώσαις ὅς σκοπιᾶν
Ἀμφιπολεῖς Παρναάσοιο,

Ἰλασθ' ἰσθι τοῖς ἐμοῖς εὐγμασιν :
Δόσε ΑΡΙΓΤΡΟΠΤΑΩΙ ἄμβροτον κῦδος,
Ἵγείαντε φιλανορίαντ' αἰσῶν
Σὺν χρήμασιν ἀφθένοις. Σὺ δ' ὦ
Φίλταθ' ἑταίρε, μνήσεαι τῆς Φιλίας
Διδασκάλῃς. Σείο μὲν ἀκίνδυνον
Βίον γένοιτο, Τύχα δὲ μοι κῆρυ
Ἐπέων μελιάδεα γάρυν,
Μισάωντ' ἐσθλὰς χάριτας, μένοισίτε
Σοφοῖς ἀρέσκειν.

EZRA DE CLERCQ VAN JEVER.

N O B I L I S S I M O

J U V E N I,

EMMANUELI ARGYROPULO,

Summos in Medicina honores auspicanti.

U t mea mens gaudet, dulcisque in corde voluptas

Surgit! Jo! Vati, Turba novena, fave!

Nunc mihi, nunc gracili tenuandum carmen avena,

EMMANUEL lauru tempora cinctus ovat!

Hoc meruit studiis semper vigilata feveris

Cura, Machaoniis mensque operata facris.

Sed mea Musa, impar meritas decurrere laudes,

Ad vestros sistit debita vota pedes.

D 3

Vive

Vive dui felix, Magnamque reversus in urbem

Aegrotos sana, quos ibi languor habet.

Sic retrahas multos patulis ex faucibus Orci,

Et dubium doctâ cesset ab arte malum!

Sic tibi pro meritis, (quæ rara est gloria) vivo.

Perfolvat grates debitus Urbis amor!

Φιλίας ἔνεκα

JANUS ANDREAS NICOLAUS CARPENTIER.

A A N D E N
W E L - E D E L E N H E E R E
EMMANUEL ARGYROPULUS,

Toen zyn Wel-Edele tot Meester in de Geneeskunde wierd ingehuldigt.

P E R A R D U A A D A S T R A .

't **V**erboden Ooft, geproeft in Edens groene dreven
Breekt noch den nazaet op, en staet al 't menschdom duur,
Door ziekte en kwael bestreên, valt hem het leven zuur,
Tot eindelyk de Doot den laetsten slag komt geven.

Maer d'edele Artzeny, noit naer waerdy verheven,
Doorsnuffelt onvermoeit het binnenst' der Natuur,
Herstelt de vochten in 't verzwakte levensvuur,
Enrekt, spyt ziekte en doot, den draet van s' menschen leven.

Geluk, Wel-Edel Heer! die in deez' wetenschap
Met lust uw tyt besteedd', waar door gy thans dien trap
Van eer beklimt; lang moet elk van uw lof gewagen!

Lang strekke uw trouwe hulp den lydeling ten stut,
Zoo leeft ge uw zelfs en ook uw evenmensch tot nut;
Zoo word' uw naem met roem ten sterren ingedragen.

A N T O N I U S V A N N I E L ,

Med. Stud.

